

ВСЕНОЩНОЕ БДЕНИЕ. КАНОН:

ПЕСНЬ 1:

ПЕРВЫЙ КАНОН ПРАЗДНИКА, ГЛАС 4:

Ирмос: Лицы израильтести, / невлажными стопами / поит Чермный и влажную
глубину прогнавше, / всадники тристаты враги видяще в ней погружены, /
с веселием пояху: // поим Богу нашему, яко прославися.

Припев: Слава, Тебе, Боже наш, слава Тебе

Тропарь: Глаголы животныя другом Христос / и о Божественном наказуя Царствию,
рече: / во Мне Отца познайте, / Светом яко облистая неприступным, в радости
поюще: // поим Богу нашему, яко прославися.

Припев: Слава, Тебе, Боже наш, слава Тебе

Тропарь: Силюю язык облечетеся друзи ученицы, / чудни же будете в богатстве их, яко
славы наполнитеся, / яко явлюся светлее солнца, облистая в радости поющих: //
поим Богу нашему, яко прославися.

Припев: Слава, Тебе, Боже наш, слава Тебе.

Тропарь: Днесь Христос, на горе Фаворстей просияв ясно Божественною зарею, / якоже
обещая, учеником обнажи зрак, / светоносныя же наполнившеся Бо-
жественныя зары, в радости пояху: // поим Богу нашему, яко прославися.

ВТОРОЙ КАНОН ПРАЗДНИКА, ГЛАС 8:

Ирмос: Воду прошед, яко сушу, / и египетскаго зла избежав, / израильтянин во-
пияше: // Избавителю и Богу нашему поим.

Припев: Слава, Тебе, Боже наш, слава Тебе

Тропарь: Моисей, на мори пророчески видево облаком и столпом древле огненным
славу Господню, вопияше: // Избавителю и Богу нашему поим.

Припев: Слава, Тебе, Боже наш, слава Тебе

Тропарь: Яко каменем, телом покрывся, / обожением, Невидимаго зря, Моисей Бого-
видец зываше: // Избавителю и Богу нашему поим.

Слава Отцу и Сыну и Святому Духу.

Тропарь: Ты на горе законней и на Фаворстей / виден был еси Моисеем во мраце
древле, // во Свете же ныне неприступнем Божества.

И ныне и присно и во веки веков, аминь.

Тропарь: Ты на горе законней и на Фаворстей / виден был еси Моисеем во мраце
древле, // во Свете же ныне неприступнем Божества.

КАТАВАСИЯ, ГЛАС 8:

Хор: Крест начертáв, Моисей/ впрямó жезлóm Чермнóе пресечé,/ Израилю пешеходящóу;/ тóже обратнó фараóновым колесни́цам, удáрив, совокупí,/ вопреки́ написáв непобедíмое ору́жие.// Тем Христóу пойм, Бóгу нáшему, я́ко прослáвился.

ПЕСНЬ 3:

ПЕРВЫЙ КАНОН ПРАЗДНИКА, ГЛАС 4:

Ирмос: Лук си́льных изнемо́же,/ и немощствóующии препоя́сашася си́лоу,// сегó рáди утверди́ся в Гóсподе сéрдце моé.

Припев: Сла́ва, Тебе́, Бóже наш, сла́ва Тебе́

Тропарь: Во всегó Адáма облéкса, Христé,/ очернёвшее, измени́в, просвети́л еси́ дрéвле естество́// и изменéнием зра́ка Твоегó богосодéлал еси́. *(Трижды)*

Припев: Сла́ва, Тебе́, Бóже наш, сла́ва Тебе́

Тропарь: Столпóm огнезра́чным и óблаком дрéвле/ Ёже в пусты́ни Израи́ля веды́й,// днесь на горé Фавóрстей неизречéнно во свéте Христóс просия́. *(Трижды)*

ВТОРОЙ КАНОН ПРАЗДНИКА, ГЛАС 8:

Ирмос: Небéснаго кру́га Верхотворче, Гóсподи,/ и Цéркве Зиждителю,/ Ты мене́ утверди́ в любви́ Твоéй,/ желáний кра́ю,/ вёрных утверждéние,// Еди́не Человеколю́бче.

Чтец:

Припев: Сла́ва, Тебе́, Бóже наш, сла́ва Тебе́

Тропарь: Осеня́ющая сла́ва в сéни пёрвее и Моисееви бесéдующи, Твоему́ угóднику,/ óбраз бысть облиста́вшего неизречéнно// на Фавóре, Влады́ко, Твоегó преобра́жения.

Припев: Сла́ва, Тебе́, Бóже наш, сла́ва Тебе́

Тропарь: Совзыдо́ша Ти, Сло́ве Единорóдный,/ вы́шнии апóстольстии верси́ на гóру Фавóрскую,// и сопредста́ша Ти Моисей же и Или́я, я́ко Бóжия слуги́, Еди́не Человеколю́бче.

Сла́ва Отцу́ и Сы́ну и Свято́му Дúху.

Тропарь: Бог Сло́во Сый, весь зéмлен бысть,/ всему́ Божествóу смесíв челове́чество во ипостáси Своéй,// ю́же во двою́ существóу Моисей и Или́я же видеша на горé Фавóре.

И ны́не и прýсно и во вéки векóв, амíнь.

Тропарь: Бог Сло́во Сый, весь зéмлен бысть,/ всему́ Божествóу смесíв челове́чество во ипостáси Своéй,// ю́же во двою́ существóу Моисей и Или́я же видеша на горé Фавóре.

КАТАВАСИЯ, ГЛАС 8:

Хор: Жезл во образ тайны приемлется, / прозябением бо предразсуждает священника; / неплодящей же прежде Церкви, / ныне процветет Древо Креста, // в державу и утверждение.

ЕКТЕНИЯ МАЛАЯ...

СЕДАЛЕН ПРАЗДНИКА, ГЛАС 4:

На горé Фаворстей преобразился еси, Иисусе, / посреде Илий и Моисея премудрых, со Иаковом, и Петром, и Иоанном. / Петр же, сопребывая, сия Тебе глаголаше: / добро zde есть сотворити три сени: / едину Моисею, и едину Илий, и едину Тебе, Владыце Христу. // Иже тогда Свет Твой сим возсиявый, просвети души наша.

Слава Отцу и Сыну и Святому Духу и ныне и присно и во веки веков. Аминь.

На горé Фаворстей преобразился еси, Иисусе, / посреде Илий и Моисея премудрых, со Иаковом, и Петром, и Иоанном. / Петр же, сопребывая, сия Тебе глаголаше: / добро zde есть сотворити три сени: / едину Моисею, и едину Илий, и едину Тебе, Владыце Христу. // Иже тогда Свет Твой сим возсиявый, просвети души наша.

ПЕСНЬ 4:

ПЕРВЫЙ КАНОН ПРАЗДНИКА, ГЛАС 4:

Ирмос: Услышах славное смотрение Твое, Христе Бже, / яко родился еси от Девы, / да от лести избавиши зовущия: // слава силе Твоей, Господи.

Припев: Слава, Тебе, Бже наш, слава Тебе

Тропарь: Закон в Синаи писанием воображая, Христе Бже, / во облаце, и огни, и мраце, и в вихре явился еси носим: // слава силе Твоей, Господи.

Припев: Слава, Тебе, Бже наш, слава Тебе

Тропарь: Да увериши славное строение Твое, Христе Бже, / яко Сый прежде век и Тойже на облаце восхождение положиый, // на Фаворе неизреченно просиял еси.

Припев: Слава, Тебе, Бже наш, слава Тебе

Тропарь: Соглаголюще, предстояху раболепно Тебе, Владыце Христу, / к нимже парюю огня и мрака и тонким хладом беседовал еси: // слава силе Твоей, Господи.

Припев: Слава, Тебе, Бже наш, слава Тебе

Тропарь: Возвещаху славное Крестá ради Твоегó, на Фавóр пришéдше,/ иже во огни́ Тя и купинé дрéвле предвídaемый Моисéй// и взятый на колесни́це о́гненной Или́я, Христé.

ВТОРОЙ КАНОН ПРАЗДНИКА, ГЛАС 8:

Ирмос: Из плóти Твоея́ лучи́ Божества́/ исхождаху прорóком и апóстолом./ Тем нача́льницы, по́юще, взыва́ху:// сла́ва си́ле Твое́й, Гóсподи.

Припев: Сла́ва, Тебе́, Бóже наш, сла́ва Тебе́

Тропарь: И́же купину́ сохрани́вый невреждéнну, прикосну́вшуюся огню́,/ Моисéю бо-госи́янную плоть показáл еси́, Влады́ко, по́ющему:// сла́ва си́ле Твое́й, Гóсподи.

Припев: Сла́ва, Тебе́, Бóже наш, сла́ва Тебе́

Тропарь: Скрýся зарéю Божества́ чувствéнное со́лнце,/ я́ко на горé Фавóре ви́дев Тя преобразу́ющаяся, Иисýсе мой:// сла́ва си́ле Твое́й, Гóсподи.

Сла́ва Отцу́ и Сы́ну и Свято́му Дúху.

Тропарь: О́гнь, не опаля́я вéщи телéсныя, ви́ден бысть невещéствен,/ я́коже Моисéю и апóстолом яв́ился еси́, Или́й же, Влады́ко,// е́дин от двою́, во дву́ совершéнну естествú.

И ны́не и прísно и во вéки векóв, амíнь.

Тропарь: О́гнь, не опаля́я вéщи телéсныя, ви́ден бысть невещéствен,/ я́коже Моисéю и апóстолом яв́ился еси́, Или́й же, Влады́ко,// е́дин от двою́, во дву́ совершéнну естествú.

КАТАВАСИЯ, ГЛАС 8:

Хор: Услы́шах, Гóсподи,/ смотре́ния Твоегó та́инство,/ разумéх дела́ Твоя́// и просла́вих Твое́ Божество́.

ПЕСНЬ 5:

ПЕРВЫЙ КАНОН ПРАЗДНИКА, ГЛАС 4:

Ирмос: От свéта пресеки́й перворóдный свет,/ я́ко во свéте дела́ пою́т Тя, Хри-стé, Содéтеля,// во свéте Твое́м пути́ наша́ напра́ви.

Припев: Сла́ва, Тебе́, Бóже наш, сла́ва Тебе́

Тропарь: Пред лицéм Твои́м гóры уклони́шася,/ свет бо и пред нога́ми, неботéчныя лучи́, Христé, со́лнца при́иде,// зрак зéмлен я́ко при́яти благоволи́л еси́.

Припев: Сла́ва, Тебе́, Бóже наш, сла́ва Тебе́

Тропарь: Се Спас, –/ вопия́ху Моисéй и Или́я учени́ком,/ на горé святе́й Фавóрстей оглаша́емым, –// Христóс, Егóже дрéвле провозвестíхом Сýщаго Бóга.

Припев: Сла́ва, Тебе́, Бо́же наш, сла́ва Тебе́

Тропарь: Неизме́нное естество́, челове́ческому приме́шся,/ обильно́ невеще́ственного
Боже́ства́ Свет// избгна́жив апо́столом, неизрече́нно возсия́.

Припев: Сла́ва, Тебе́, Бо́же наш, сла́ва Тебе́

Тропарь: Тя, присносу́щное сия́ние, во Оте́честей сла́ве/ ученицы́ я́ко ви́девше воз-
сия́вша, Христэ́, Тебе́ вопия́ху:// во све́те Твое́м пу́ти на́ша напра́ви.

ВТОРОЙ КАНОН ПРАЗДНИКА, ГЛАС 8:

Ирмос: Вску́ю мя отря́нул еси́/ от лица́ Твоего́, Све́те незаходи́мый,/ и покры́ла
мя е́сть чужда́я тьма, ока́яннаго?/ Но обрати́ мя и к све́ту за́поведей
Твои́х// пу́ти моя́ напра́ви, молю́ся.

Припев: Сла́ва, Тебе́, Бо́же наш, сла́ва Тебе́

Тропарь: Ветийству́ющий язы́к Твоего́ вели́чества не мо́жет веще́ати:/ я́ко бо, Держа́й
живо́т и сме́ртию Влады́й,/ предста́вил еси́ на Фаво́рстей горе́ Моисе́я и
Илию́,// свиде́тельствующия́ Твое́ Боже́ство́.

Припев: Сла́ва, Тебе́, Бо́же наш, сла́ва Тебе́.

Тропарь: И́же рука́ми невиди́мыми созда́в по о́бразу Твоему́, Христэ́, челове́ка,/ нача-
лообра́зную Твою́ в созда́нии добро́ту показáл еси́,/ не я́ко во о́бразе, но я́ко Сам
Сый по существу́,// Бог был еси́ и Челове́к.

Сла́ва Отцу́ и Сы́ну и Свято́му Ду́ху.

Тропарь: Сраствори́вся неслиянно́, уго́ль горя́щ показáл еси́ нам Боже́ства́,/ попада́ющ
у́бо грехи́, ду́ши же просвещáющ, на Фаво́рстей горе́,// Моисе́я со Или́ею, уче-
никóв же старей́шия удиви́л еси́.

И ны́не и прісно и во ве́ки веко́в, ами́нь.

Тропарь: Сраствори́вся неслиянно́, уго́ль горя́щ показáл еси́ нам Боже́ства́,/ попада́ющ
у́бо грехи́, ду́ши же просвещáющ, на Фаво́рстей горе́,// Моисе́я со Или́ею, уче-
никóв же старей́шия удиви́л еси́.

КАТАВА́СИЯ, ГЛАС 8:

Хор: О, треблаже́нное Дре́во,/ на нёмже распя́ся Христóс, Царь и Господь,/
И́мже паде́ дре́вом прельсти́вый,/ тобою́ прельсти́вся,/ Бо́гу пригвоз-
ди́вшуся Пло́тию,// пода́ющему мир душáм на́шим.

ПЕСНЬ 6:

ПЕРВЫЙ КАНОН ПРАЗДНИКА, ГЛАС 4:

Ирмос: Внегда́ скорбе́ти ми,/ возопи́х ко Го́споду,// и услы́ша мя Бог спасе́ния
моего́.

Припев: Сла́ва, Тебе́, Бо́же наш, сла́ва Тебе́

Тропарь: Сия́ния па́че со́лнца Свет я́снейший, Спас, просия́в на Фаво́ре, // нас просвети́л е́сть.

Припев: Сла́ва, Тебе́, Бо́же наш, сла́ва Тебе́

Тропарь: Возше́д на го́ру Фава́рскую, преобрази́лся еси́, Христе́, // и, лещь всю ома́рчи́в, нас просвети́л еси́.

Припев: Сла́ва, Тебе́, Бо́же наш, сла́ва Тебе́

Тропарь: Тя Бо́га позна́вше сла́внии апо́столи, // на Фаво́ре же, Христе́, уди́вльшеся, ко́лена преклони́ша.

ВТОРОЙ КАНОН ПРАЗДНИКА, ГЛАС 8:

Ирмос: Очи́сти мя, Спа́се, / мно́га бо беззако́ния моя́, / и из глублины́ зол возведи́, молю́ся, / к Тебе́ бо возопи́х, и услы́ши мя, // Бо́же спасе́ния моего́.

Припев: Сла́ва, Тебе́, Бо́же наш, сла́ва Тебе́

Тропарь: Я́ко ве́лие и стра́шное узресе́ видене́е днесь: / с небесе́́ убо́ чу́вственное, от земли́ же несравне́нное // облиста́ Со́лнце пра́вды мы́сленное на горе́ Фава́рстей.

Припев: Сла́ва, Тебе́, Бо́же наш, сла́ва Тебе́

Тропарь: Пре́йде у́бо сень зако́нная, изме́ро́гшая, / при́йде же я́ве Христос́ и́стина, – Моисе́й возопи́, // на Фаво́ре ви́дев Твое́ Божество́.

Сла́ва Отцу́ и Сы́ну и Свято́му Ду́ху.

Тропарь: Сто́лп о́гненный – Христá преобразу́ющуся, / о́блак же – я́ве благода́ть Ду́ха, осени́вшую на Фаво́ре, // предска́заша явле́нейше.

И ны́не и при́сно и во ве́ки веко́в, ами́нь.

Тропарь: Сто́лп о́гненный – Христá преобразу́ющуся, / о́блак же – я́ве благода́ть Ду́ха, осени́вшую на Фаво́ре, // предска́заша явле́нейше.

КАТАВАСИЯ, ГЛАС 8:

Хор: Во́днаго зве́ря во утробе́ / длáни Ио́на крестови́дно распросте́р, / спаси́тельную Страсть прообра́жаше я́ве. / Тем, тридне́вен изше́д, / премы́рное Воскресе́ние прописáше / Плото́ю пригво́жденнаго Христá Бо́га // и тридне́вным Воскресе́нием мир просвещáша.

ЕКТЕНИЯ МА́ЛАЯ...

КОНДА́К ПРАЗДНИКА, ГЛАС 7:

Чтец: На горе́ преобрази́лся еси́, / и я́коже вмещáху ученицы́ Твой, / сла́ву Твою́, Христе́ Боже́, ви́деша, / да егда́ Тя у́зрят распина́ема, / страда́ние у́бо уразуме́ют во́льное, / ми́рови же пропове́дят, // я́ко Ты еси́ вои́стинну О́тчее сия́ние.

ИКОС:

Востáните, ленивии, иже всегда́ нizu поникшии в зéмлю души́ моея́ помыслы,/ возмiтся и возвы́сится на высоту́ Божéственнаго восхождéния./ Притецём к Петру́ и к Зеведéевым/ и вкúпе со óними Фавóрскую гóру достiгнем,/ да видим с ними́ сла́ву Бóга нашего, глас же услы́шим,// егóже свiше слы́шаша и проповéдаша Óтчее сия́ние.

ПЕСНЬ 7:

ПЕРВЫЙ КАНОН ПРАЗДНИКА, ГЛАС 4:

Ирмос: Авраáмстии иногда́ в Вавилóне óтроцы/ пéщный пла́мень попрáша,/ пéснями́ взыва́юще:// отéц наших́ Бóже, благословéн еси́.

Припев: Сла́ва, Тебé, Бóже наш, сла́ва Тебé

Тропарь: Облиста́вшеся Свéтом непристúпныя сла́вы на Фавóрстей горé,/ апóстоли Христú вопи́яху:// отéц наших́ Бóже, благословéн еси́.

Припев: Сла́ва, Тебé, Бóже наш, сла́ва Тебé

Тропарь: Сия́нием Божéственнаго шúма, и росодáтельным óблаком, Христé,/ и зарéю Твоею́ наслажда́еми, апóстоли по́яху:// отéц наших́ Бóже, благословéн еси́.

Припев: Сла́ва, Тебé, Бóже наш, сла́ва Тебé

Тропарь: В непристúпном Свéте, я́ко виде Тя́ Петр,/ на Фавóрстей горé облиста́вша, Христé, возопи́:// отéц наших́ Бóже, благословéн еси́.

Припев: Сла́ва, Тебé, Бóже наш, сла́ва Тебé

Тропарь: С Начáльником жiзни Христóм сúще, дéти Зеведéевы,/ я́ко испустí зра́ка Свет, возгремéша:// отéц наших́ Бóже, благословéн еси́.

ВТОРОЙ КАНОН ПРАЗДНИКА, ГЛАС 8:

Ирмос: Óтроцы еврейстии в пещи́/ попрáша пла́мень дерзновéнно/ и на рóсу огонь преложíша, вопи́юще:// благословéн еси́, Гóсподи Бóже, во вéки.

Припев: Сла́ва, Тебé, Бóже наш, сла́ва Тебé

Тропарь: Ны́не видена́ бiша апóстолом невидима́я Божества́ во плóти,/ на горé Фавóрстей облиста́вша, вопи́ющим:// благословéн еси́, Гóсподи Бóже, во вéки.

Припев: Сла́ва, Тебé, Бóже наш, сла́ва Тебé

Тропарь: Ужасóшася стráхом, удiвльшеся благолéпию Божéственнаго Цáрства,/ на горé Фавóрстей апóстоли, вопи́юще:// благословéн еси́, Гóсподи Бóже, во вéки.

Сла́ва Отцú и Сы́ну и Свято́му Дúху.

Тропарь: Ны́не неуслы́шанная услы́шана бiша:/ без отцá бо Сын от Дéвы Отéческим

гласом славно свидѣтельствуется, // яко Бог и Человѣк Тѣйже во вѣки.

И ныне и присно и во вѣки веков, аминь.

Тропарь: Положеніем не был еси Вышняго, существом же Сын возлюблен, / прежде Сый, нам приближился еси непреложно: // благословен еси, Господи Боже, во вѣки.

КАТАВАСИЯ, ГЛАС 8:

Хор: Безумное веление мучителя злочестиваго люди поколебá, / дышущее прещение и злохуление богомерзкое; / обаче три отроки не устраши ярость зверская, / ни огонь снѣдая, / но противодышущу росоносному Духу, / со огнем суще, пояху: // Препетый отец и нас Боже, благословен еси.

ПЕСНЬ 8:

ПЕРВЫЙ КАНОН ПРАЗДНИКА, ГЛАС 4:

Ирмос: В Вавилоне отроцы, / Божественною распалаеми ревностию, / мучителя и пламене прещения мужески попраша / и, посреде огня ввержени, орошаеми, пояху: // благословите, вся дела Господня, Господа.

Припев: Слава, Тебе, Боже наш, слава Тебе

Тропарь: Мановением вся носай, ногами пречистыми на гору взыде Фаворскую Христос, / на нейже паче солнечных лучи облистá лицом, / иже закону старейшия и благодати показá поущия: // благословите, вся дела Господня, Господа.

Припев: Слава, Тебе, Боже наш, слава Тебе

Тропарь: Непреступною славою на горе явлься неизреченно Фаворстей, / неодолимый и незаходимый Свет, Отчее сияние, / тварь уяснив, человеки обожí, поущия: // благословите, вся дела Господня, Господа.

Припев: Слава, Тебе, Боже наш, слава Тебе

Тропарь: Священнолѣпно стояще Моисей же и Илия на горе Фаворе, / Божественныя начертание ясно ипостаси видевше, / Христа, во Отчестей облистáвша славе, воспеваху: // благословите, вся дела Господня, Господа.

Припев: Слава, Тебе, Боже наш, слава Тебе

Тропарь: Иже во зраце Божественнаго ради явления лице прославися иногда Моисеово, / Христос же, яко ризою, Светом и славою одевається, / Света бо самодетелен Сый, озаряет поущия: // благословите, вся дела Господня, Господа.

Припев: Слава, Тебе, Боже наш, слава Тебе

Тропарь: От светорѡдна ѡблака Христá ученицѣ ѡбъята зряще на Фавѡре/ и ницы на зѣмлю пáдше, ум просвѣщше,/ со Отцѣм Сегѡ пояху и Духом:// благословите, вся делá Госпѡдня, Гѡспода.

ВТОРОЙ КАНОН ПРАЗДНИКА, ГЛАС 8:

Ирмос: Седмерицею пещь халдѣйский мучитель/ Богочестивым неистовно разжжѣ,/ силюю же лучшею спасены, сий видев,/ Творцѹ и Избáвителью вопияше:/ ѡтроцы, благословите,/ священницы, воспойте, // людие, превозносите во вся вѣки.

Припев: Слава, Тебѣ, Бѡже наш, слава Тебѣ

Тропарь: Услышавше, Владыко, от Отцá свидѣтельствуема,/ и яко челоуѣческа твердѣйша зрака зрѣти лица Твоегѡ блистаня не терпяще,/ Твой ученицѣ на зѣмлю ниц падаху, со страхом поюще:// священницы, благословите, людие, превозносите во вся вѣки.

Припев: Слава, Тебѣ, Бѡже наш, слава Тебѣ

Тропарь: Цáрствующим еси Царь прекрасен и иже всюду владычим Госпѡдь силен,/ Блажен и во свѣте живый неприступнем,/ Емуже ученицѣ удивльшеся, Моисей же и Илия вопияху:/ ѡтроцы, благословите, священницы, воспойте, // людие, превозносите во вся вѣки.

Благословим Отцá, и Сына, и Святаго Духа, Гѡспода.

Тропарь: Яко Небом владущему, и землѣю господствующему,/ и над преисподними ѡбласть имущему, Христѣ, предстáша Ти:/ от земли ўбо – апѡстоли, яко с Небесѣ же Фесвитянин Илия,/ Моисей же – от мѣртвых, поюще согласно:// людие, превозносите во вся вѣки.

И ныне и присно и во вѣки веков, амѣнь.

Тропарь: Уныние раждающия печáли на землѣ оставиша апѡстолов избранныи, Челоуеколюбче,/ яко Тебѣ последоваша, ко иже от земли преложению Божественнаго жития./ Тѣмже и, по достоянию Твоегѡ Богоявления улучивше, пояху:// людие, превозносите Егѡ во вѣки.

КАТАВАСИЯ, ГЛАС 8:

Хор: Хвáлим, благословим, покланяемся Гѡсподеви, поюще и превозносяще во вся вѣки.

Благословите, ѡтроцы,/ Трѣицы равночисленнии,/ Содѣтеля Отцá Бѡга,/ пойте снизшедшее Слово,/ и огонь в рѡсу претворшее,/ и превозносите всем жизнь подавающаго// Духа Всесвятаго во вѣки.

Диакон: Величай, душѣ моя,/ на Фавѡре преобразившагося Гѡспода.

ПЕСНЬ 9:

ПЕРВЫЙ КАНОН ПРАЗДНИКА, ГЛАС 5:

Ирмос: Рождество Твое нетленно явися:/ Бог из боку Твоею пройде,/ яко Плотносец явися на земли/ и с человеки поживе.// Тя, Богородице, тем вси величаем.

Хор поет припевы:

Припев: Величай, душе моя,/ на Фаворе преобразившагося Господа.

Чтец читает тропари:

Тропарь: Ужасни новым светолитием внезапно ученицы освещшися, друг друга зряху,/ удивльшися же и к земли преклоньшися,// Тебе, Владыце всех, поклоньшася.

Припев: Величай, душе моя,/ на Фаворе преобразившагося Господа.

Тропарь: Шум из облака посылашися богогласен, извествуй чудо:/ Отец бо Светов, – Сей есть Сын Мой возлюбленный, – апостолом вопияше,// Того послушайте.

Припев: Величай, душе моя,/ на Фаворе преобразившагося Господа.

Тропарь: Новая видевше и преславная, глас Отеческий внушивше,/ на Фаворе Словесе слуги, изображение Первообразнаго,// Сей есть, – вопияху, – Спас наш.

Припев: Величай, душе моя,/ на Фаворе преобразившагося Господа.

Тропарь: Образе непреманный Сущаго, недвижимо, печать неизменна,/ Сыне, Слове, мудросте и мышце, деснице Вышняго, Сило,// Тя воспеваем со Отцем же и Духом.

ВТОРОЙ КАНОН ПРАЗДНИКА, ГЛАС 4:

Припев: Величай, душе моя,/ на Фаворе преобразившагося Господа.

Ирмос: Устрашися всяк слух/ неизреченна Божия низхождения,/ яко Вышний волею сниде даже и до плоти,/ от девического чрева быв Человек.// Темже Пречистую Богородицу, вернии, величаем.

Хор поет припевы:

Припев: Величай, душе моя,/ на Фаворе преобразившагося Господа.

Чтец читает тропари:

Тропарь: Да Твое покажешися яве неизреченное второе снтие,/ яко да Вышний Бог явисьася,/ стоя посреде богов, апостол на Фаворе,/ Моисея же и Илию, неизреченно осиял еси.// Темже вси Тя, Христе, величаем.

Припев: Величай, душе моя,/ на Фаворе преобразившагося Господа.

Тропарь: Приидите, Мне покоритесь, людие, возшедше на гору святую пренебесную,/ невестественно станем во граде Живаго Бога/ и узрим мысленно Божество не-
вестественное,// Отца и Духа, в Сыне Единородном облистяющее.

Припев: Величай, душе моя,/ на Фаворе преобразившагося Господа.

Тропарь: Привлекл еси любовью мя, Спасе,/ и переменил еси Божественным Твоим же-
ланием,/ но попали огнем невестественным грехи мои/ и насытитися Твоя
пищи сподоби,// да, обою играя, величаю, Блаже, величия Твоя.

КАТАВАСИЯ ПЯТИДЕСЯТНИЦЫ, ГЛАС 4:

Припев: Величай, душе моя,/ на Фаворе преобразившагося Господа.

Катавасия: Таин еси, Богородице, рай,/ невозделанно возрастивший Христа,/ Имже
крестное живоносное на земли насадися Древо./ Тем, ныне возносиму,// по-
кланяющися Ему, Тя величаем.

ЕКТЕНИЯ МАЛАЯ...

СВЕТИЛЕН ПРАЗДНИКА:

Свете неизменный, Слове, Света Отца нерожденна, в явленнем свете Твоём,/
днесь на Фаворе Свет видехом Отца, Свет и Духа,// Светом наставляющего всю
тварь.

Слава Отцу и Сыну и Святому Духу.

Свете неизменный, Слове, Света Отца нерожденна, в явленнем свете Твоём,/
днесь на Фаворе Свет видехом Отца, Свет и Духа,// Светом наставляющего всю
тварь.

И ныне и присно и во веки веков, аминь.

Свете неизменный, Слове, Света Отца нерожденна, в явленнем свете Твоём,/
днесь на Фаворе Свет видехом Отца, Свет и Духа,// Светом наставляющего всю
тварь.